



門七武
編 517
卷 12止



名醫類案卷之十二

明新都篁南江壻集

長子應元校正
次子應宿述補

胎毒

東陽陳叔山一兒二歲得下痢嘗先日以羸困問華佗佗曰母懷軀陽氣內耗乳中虛冷兒得母寒故冷不時愈佗與四物女苑丸十日即除

東垣云一人中年以來得一子一歲之後身生紅綠瘡不救後四子皆病瘡而死問何緣致此翌日思之謂曰汝乃腎中伏火精氣多有紅絲以氣相傳故生子有此疾

類案卷之十二

俗名胎毒是也汝試觀之果如其言遂以滋腎丸數服以瀉腎中火邪補真陰之不足忌酒辛熱之物其妻以六味地黃丸以養陰受胎五月之後以黃芩白朮作散與五七服後生子前症不作

丹溪治一兒二歲滿頭有瘡一日瘡忽自平遂患痰喘詢其母孕時喜食辛辣熱物視其子精神昏倦病受得深知其為胎毒也解利藥大非所宜遂以人參連翹黃連生甘草陳皮川芎白芍木通濃煎入竹瀝與之數日而安

一婦形瘦性急身本無熱懷妊三月適夏暑口渴思水時發小熱遂教以四物湯加黃芩陳皮生甘草木通因懶

於煎煮數貼而止其後生子二歲瘡瘻遍身忽一日其瘡頓愈遂成瘰癧此亦胎毒也瘡若再作病必自安已而果然若於孕時確守前方何病之有

一女得癩遇風雨則作遇驚亦作口吐涎沫聲如羊鳴此胎受驚也其病深痼須調半年可安仍須淡味以助藥力與燒丹丸繼以四物湯入黃連隨時令加減果半年而愈

一人連年病瘡後生一子三月病左脇下陽明少陽之間生一癩甫平右腋卞相對又一癩膿水淋漓幾死醫以四物湯敗毒散數倍加人參以香附為佐犀角為使木料乳母三月而愈踰三月忽腹脹生赤疹如霞片取剪

乃草汁調原蠶砂付隨消又半月移脹入囊爲腫黃瑩裂開二九顯露水出以紫蘇葉盛夫炭末托旬餘而合一子年十六生七箇月得淋病五七日必一作其發則大痛水道方行下如漆和粟者一盞方定脈之輕則瀉重則弦視其形瘦而長青而蒼意其父必固服下部藥遺熱在胎留於子之命門而然遂以紫雪和黃柏末丸梧子大晒極乾湯下百九半日又下二百九食壓之又半日痛大作連腰腹水道乃行下漆和粟者碗許痛減十之八後與陳皮一兩桔梗木通各半兩又下合許而安父得燥熱尚能病子况母得之者乎

一小兒胎受熱毒生下兩目不開燈心黃連秦皮木賊棗

各五錢水一盞煎澄清頻洗而開

程仁甫治一兒一歲之內大便三四十日只通一次每次通時腹脹盛此乃胎毒熱結所致用玄明粉米飲調下一錢三五次之後再不復秘矣

薛已治少叅史南湖孫乙未生丙申正月陰囊赤腫薛作胎毒治之而瘥後患發熱痰熱等症診其母有鬱火血熱用解鬱涼血之藥子母俱服而愈至六月初患吐瀉小便赤澀兩眼瞶動投參朮之類不應以爲慢驚然欲用附子之藥請薛議視其寅卯關脈赤此屬風熱用柴胡清肝散加釣釣藤木賊草一劑卽愈至丁酉正月初旬頸患熱毒膿出貼藥感風發熱翌日頭面黯腫如斗

臍風

樞密孫公抃生子數日患臍風已不救家人乃盛以盤合將送諸江道遇老媪曰兒可活即與俱歸以艾灸臍下即活青箱菴

江應宿曰凡兒臍風須看牙齦有水疱點如粟粒以銀針挑破出汚血或黃膿少許而愈

又一法以熱水醮綿子包指擦之輕挖破以金頭蜈蚣炙末付之仍以厚衣包裹納母懷中取大汗出而愈再服歸命散解之

近來江南臍風之症最多蓋由赤子落臍之時不慎照顧風邪流入心脾五七日而發面青口撮吐白沫

倉卒急迫失救遂致夭折急用蒜一兩搗捏作餅子納于臍上以艾火灸五七壯以拔出血邪仍用艾草或綿子如錢大一塊貼于臍上外以膏藥封之兼行前二法為妙

臍風之症... 宜速治之... 宜速治之... 宜速治之...

腎縮

思村王氏之子生七日兩腎縮一醫云硫黃菜萸研大蒜塗其腹仍以茵草蛇床子薰之愈蓋初受寒氣而然也
瑣碎錄

咯血

錢氏治段齋郎子四歲病嗽身熱吐痰數日而咯血醫以桔梗湯及防已丸治之不効其涎上攻吐喘不止錢用補銀丸一太服下之復以補肺散治之醫曰今咯血肺虛何以下之曰肺雖咯血有熱故也久則虛痿今涎上潮而吐當下其涎若使不吐涎為甚便也蓋吐涎能虛又生驚也痰實上攻亦使發搐故依法只宜下痰後補脾肺必涎止而吐愈若先補其肺為逆先下其痰為順先下後補為良也

熱症

錢仲陽治朱氏一兒五歲忽發熱醫曰此心熱也腮赤而唇紅煩燥引飲遂用牛黃丸三服以一物瀉心湯下之來日不愈及加無方而不能食又下之便利黃沫錢曰心經虛而留熱在內必被攻藥下之致此虛勞之病也先用白朮散生胃中津液後以生犀散之朱曰大便黃沫如何曰胃氣正則瀉自止虛熱朱曰醫用瀉心湯如何錢曰瀉心湯者黃連一物耳性寒多服則利能寒脾胃也諸醫皆曰實熱何以瀉心湯之不安又加面黃頰赤五心煩燥不食而引飲醫曰既虛熱何以大便黃沫錢笑曰便黃沫者服瀉心湯多也因與胡黃連丸而愈

鄭人齊郎中子忽臟熱自取青金膏三服併一服而解之服至更瀉五行其子困睡齊言子睡多亦驚又與青金膏一服又利一行加口乾而身熱齊言尚有微熱未盡又與青金膏一服其妻曰用藥十餘行未安莫生病否錢曰已成虛羸先多煎白朮散時時服之後服香朮丸十三日愈

朱氏子五歲夜發熱曉即如故醫有作傷寒治者有作熱治者以涼藥解之不愈其候多涎而喜睡他醫以鐵粉丸下涎其病益甚至五日大引飲錢曰不可下之乃取白朮散一兩煎藥汁三升使任意取足服朱曰飲食不化瀉否錢曰無生水不能作瀉縱瀉不足怪也但不可

下耳朱曰先治何病錢曰止瀉治痰退熱清神此藥是也至晚服盡錢視之曰更可服三升又煎白朮散三升服盡得稍愈至第三日又服白朮散三升其子不渴無涎又投阿膠散二服而安

一兒感冷身大熱惡寒此有裏症用發汗藥汗出遂涼過一日復熱醫謂表解裏未解驗之服四順飲子利動藏府一行遂涼隔一日又復熱醫云經熱未解驗之小便赤故知心熱未解服生氣湯遂涼過二日又熱醫云脈已和非病也既發汗又利大小便其兒已虛陽氣無所歸皆見於表所以身熱以和胃氣藥如六神散之類加烏梅煎令微覺有酸味收歸其陽氣自此全愈

此表裏俱虛氣不歸元而陽浮于外所以再發熱非熱症也

東都張氏孫九歲病肺熱他醫以犀角龍射生牛黃治之一月不愈其症喘嗽悶亂飲水不止全不能食錢用史君子丸益黃散張曰本有熱何以又行溫藥他醫用涼藥攻之一月尚未効錢曰涼藥久則胃寒不能食小兒虛不能食當補脾後飲食如故即瀉肺經病必愈矣服補脾藥二日其子欲飲食錢以瀉白散瀉肺遂愈七分張曰何以不虛錢曰先實其脾然後瀉肺故不虛也程明祐治一兒病日晡時熱衆皆以為陰虛火動法不治程診之曰兒氣方息用以生陰固無緣虛也火之動食

飲積胃蘊蒸宿結則隆隆而熱遂宣洩輸瀉之其病忽已

薛已治李閣老子潮熱飲食如故自申酉時甚至子丑時方止遍身似疥太便秘結小便赤澁熱渴飲冷薛以為脾胃實熱傳於肺與大腸先用清涼飲四劑結熱始退又用四物柴胡黃連數劑其瘡漸愈彼又速効另用槐角丸之類諸症益甚仍以前藥更加桃仁赤芍至百劑而愈

江寧南治一兒生方兩月時值酷暑又久雨濕令流行遍身大熱然初生小兒腸胃脆窄藥難區處乃取乾壁土春碎撒地上上以芭蕉葉舖之將兒卧葉上又以蕉葉

覆之更少加乾壁土于上睡少時其熱如失

此方見於薛氏醫案卷之六
治小兒潮熱如神
薛氏曰潮熱者熱在皮膚也
治法宜清熱解毒
此方用乾壁土春碎撒地上
上以芭蕉葉舖之
將兒卧葉上
又以蕉葉覆之
更少加乾壁土于上
睡少時其熱如失

寒症

東垣治一、小兒二歲時初冬患大寒症明堂青脉額上青
黑腦後青絡高起舌上白滑喉鳴而喘大便微青耳尖
冷目中常淚下仍多駭胃中不利卧而多驚無搖則寒
以薰栢陳皮葛根連翹蠍稍炙草已上各一分升麻黃
芪柴胡各二分歸身麻黃各三分吳萸生地黃各五分
名曰補陽湯吹咀都作一服水一太錢半煎至六分乳
食後熱服服後愈

瘵為潮熱

錢仲陽治曹氏子三歲面黃時發寒熱不飲食而飲水反
乳不止眾醫以為潮熱用牛黃丸射香丸不愈及以止
渴乾葛散服之反吐錢曰當下白餅子主之後補脾乃
以消積丸磨之此乃瘵也後果愈夫何故但飲水者食
伏于腕內不能消致令發寒熱服止渴藥吐者藥冲脾
故也下之即愈

江應宿治一幼女發熱咳嗽似乎傷風服解表發汗藥熱
不退詢其曾食何物云食粽即睡遂發熱不止乃與消
導之劑加炒酒麴一錢熱退更食飴糖數兩而嗽愈

汗

附盜汗

錢仲陽治張氏三子病大者汗遍身次者上至頂下至足小者但額有汗眾醫麥煎散治之不効錢曰大者與香朮丸次者與益脾散小者與石膏湯各五日而皆愈海藏治一子自嬰至童盜汗凡七年矣諸治不効與涼膈散三黃丸三日病已蓋腎為五液化為五濕相火迫腎腎水上行乘心之虛而入手少陰心火炎上而入肺欺其不勝已也皮毛以是而開湊理玄府不閉而為汗出也比于睡中者為盜汗以其覺則無之故經云寢汗憎風是先以涼膈泄胃中相火相火退次以三黃丸瀉心火以助陰則腎水還本藏玄府閉汗為之止矣

吐瀉

錢仲陽治五太尉病吐瀉不止米谷不化醫用補藥言用薑汁調服之六月中服溫藥一日而加喘吐不定錢曰當以涼藥治之所以然者謂傷熱在內也用石膏湯三服併服之眾醫皆言吐瀉多而米谷不化當補脾何以用涼藥王信眾醫又用補脾散丁香散三服錢後至曰不可服此三日外復滿身熱飲水吐逆三日外一如所言所以然者謂六月熱甚伏入腹中而令引飲熱傷脾胃即大吐瀉他醫又行溫藥即止上焦亦熱故喘而引飲三日當死眾醫技窮復召錢錢至宮中有熱症以白虎湯三服更以白餅子下之減藥二分至二日三日又

與白虎湯各二服四日用石膏湯一服旋合麥門冬黃
芩腦子牛黃天竺黃茯苓以朱砂為衣與五九竹葉湯
化下熱退而安

房親宮七太尉七歲病吐瀉是時七月其症全不食而昏
睡睡覺而悶噦氣乾嘔太便秘或有或無不渴眾醫作驚
治之疑睡故也錢曰先補脾後退熱與史君子丸補脾
石膏湯退熱次日又以水銀硫黃二物末之生薑水調
下下字錢曰凡吐瀉五月內九分下而一分補八月內
十分補而一分下此者是脾虛瀉醫妄以治之至於虛
損下之即死當只補脾若以史君子丸即緩錢又留溫
胃益脾藥止之醫者李生曰何食而噦錢曰脾虛而不

能食津少即嘔逆曰何瀉青褐水曰腸胃至虛冷極故
也錢治而愈

馮承務子五歲吐瀉壯熱不思食錢曰目中黑睛少而白
睛多面色皸白此子必多病也縱長成必肌膚不壯不
耐寒暑易虛易實脾胃亦怯更不可縱恣酒慾若不保
養不過壯年面上常無精神光澤者如婦人之失血也
今吐利不食壯熱者傷食也不可下下之虛入肺則嗽
入心則驚入脾則瀉入腎則益虛此但以消積丸磨之
為微有食也如傷食甚則可下而不下則成癖也實食
在內乃可下之畢補脾必愈隨其虛實無不効者
黃氏子二歲病瀉醫止轉十餘者其症便青白乳物不消

身涼加哽氣昏睡醫謂病困蔦錢先以益脾散三服補肺散三服三日身溫而不哽氣以白餅子微下之又與益脾散三服利止何以然利本脾虛傷食初不與大下措置十日上實下虛脾氣弱引肺亦虛補脾肺病退即身溫不哽氣是有所傷食仍下之也何不先下後補曰便青爲下藏冷先下必虛先實脾肺下之則不虛而後更補也

程明祐治鄭氏子七歲苦下泄程診之曰胃虛中暑不能分別水谷法當補胃則暑易祛濃煎白朮人參湯一服精神回再服泄減三服愈

程仁甫治朱氏子四歲十二月吐瀉神倦睛陷脉紋青紫

漿水入口卽轉用六君子湯加藿香砂仁白蔻乾薑木通煎熟入薑汁徐徐服之一劑頓止

一兒三歲夏月吐不止神倦睛陷乳水入口卽出用六君子去甘草加枳殼藿香白蔻薑連煎熟入薑汁一劑而止常治小兒吐瀉之疾得捷効者甚多須辨寒熱如夏月熱症必用六君子湯加薑連少用藿香白蔻之類徐徐服之不可太急若頓服卽不納如寒月用六君子加乾薑砂仁藿香白蔻之類或有傷食吐瀉者初劑加麥芽山查一劑決可取効如不効者必發慢驚而死屢試皆然

馮鯨川治李參軍二子患瀉症二月治之不愈馮視之曰

瀉出黃色良久變而為青乃脾虛而受制於肝也治之稍緩即成慢驚矣先投補脾益黃散數服後加肉苳蔻訶子止之徐徐調理而愈

江應宿治上舍孫龍登一子年歲半七月初因食西瓜患吐瀉小兒醫投六一散繼以胃苓湯病增劇已經三日泄瀉如注神脫目陷身熱如火脉紋青紫昏睡露睛乳食藥物入口少頃帶痰吐出予思脾胃俱虛已成慢脾投七味白朮散去朮香加太附子五片訶子肉一枚肉苳炮薑各三分吐雖稍定而瀉未止急用太附子二錢人參一錢半生薑五片另煎入前藥服吐瀉止除附子用五味異功散而愈

驚搐

錢治李司戶孫生百日發搐三五次醫者或作天吊或作胎驚或作驚癇皆不應病後錢用木青膏如小豆許作一服發之復與塗顛法封之及浴法三日而愈何以然嬰兒初生肌骨嫩怯被風傷之子不能任故發搐頻發者輕何者客風在內每遇不即搐搐稀者是內藏發病不可救也頻搐者宜散風冷故用木青膏不可多服蓋小兒易虛易實多則生熱只一服而已更當封浴無不効者浴法見胎疾醫學綱目

李寺丞子三歲病搐自卯至巳數醫不効後錢視之搐目左視大呌哭李曰以搐右錢曰逆也李曰謂何曰男為

陽而本發左女為陰而本發右蓋男目左視發搐時無
聲右視有聲女發時右視無聲左視有聲所以然者左
肝右肺肺金肝木男目右視肺勝肝也金來刑木二藏
相戰故有聲也當瀉其強補其弱心實者亦當瀉之肺
虛不可瀉肺虛之候悶亂哽氣長出氣此病男反女故
男治易於女也假令女發搐目左視肺之勝肝者病在
秋即肺兼旺位肝不為任故哭叫當大瀉其肺然後治
心續肝所以俱言目反右視者乃肝主目也凡搐者風
熱相搏於內風屬肝故引見之於目也錢用瀉肺湯瀉
之二日不悶亂當知肺病退後用地黃丸補腎三服後
用瀉青丸涼驚丸各二服凡用瀉心肝藥五日方愈不

妄治也又言肺虛不可瀉者何曰設令男自右視木反
尅金肝旺勝肺而但瀉肝若更病在春夏金氣極虛故
當補肺不可瀉也

羅氏治一子四歲一僧摩頂授記眾僧念呪因而大恐遂
驚搐痰涎壅塞目多白睛項背喉中有聲一時許方醒
後每見衣皂之人輒發多服朱犀龍射鎮墜之四旬餘
前症猶在又加行步動作神思如癡羅診其脉沈弦而
急針經曰心脉滿大癩瘕筋攣又云肝脉小急癩瘕筋
攣蓋小兒血氣未定神氣尚弱因而驚恐神無所依又
動于肝肝主筋故癩瘕筋攣病久氣弱小兒易於虛實
多服鎮墜寒涼之劑復損其氣故加動如癡內經云暴

學痛眩足不任身取天柱穴是也天柱穴乃足太陽脉氣所發陽蹻跗而行也又云癩癩癧癧不知所苦兩蹻主之男陽女陰索古云晝發治陽蹻申脉穴夜發治陰蹻照海穴先灸兩蹻各二十七壯次麴沈香天麻湯院使錢公瑛宣德間治寧陽侯孫始生九月患驚悸啼哭而汗百方莫救瑛最後視疾乃命坐兒于地使掬水爲戲驚啼頓止人問之曰時當季春兒豐衣重帷不離懷抱其熱鬱在內安能發油使之近水則火邪殺得土氣則藏氣平疾愈矣奚用藥爲

錢治七太尉方七歲潮熱數日欲愈錢謂其父王曰七使潮熱將安八使預防驚搐王怒曰但使七使愈勿言八

使病錢曰八使過來日午間卽無苦也次日午前果作急搐召錢治之三日而愈蓋見目直視而頤赤必肝心俱熱更坐石杌子乃欲冷此熱甚也肌膚素肥盛脉又急促故必驚搐所言午時者自寅至午皆心肝用事時治之瀉心肝補腎自安矣

五太尉因墜鞦韆發驚搐醫以發熱藥治之不愈錢曰本急驚後生太熱當先退其熱以太黃丸玉露散惺惺丸加以牛黃龍射解之不愈至三日肌膚尚熱錢曰更二日不愈必發斑瘡蓋熱不能出也他醫初用藥發散發散入表表熱而斑生本初驚時當用利驚藥下之今發散令逆也後二日果斑出以必勝散治之七日愈

錢氏治皇都徐氏子三歲病潮熱每日西則發搐身微熱而目微邪及露睛四肢冷而喘大便微黃錢與李醫同治錢問李曰病何搐也李曰有風曰何身熱微溫曰四肢所作曰何目斜睛露曰搐則目斜曰何肢冷曰冷厥必內熱曰何喘曰搐之甚也曰何以治之曰嚏驚丸鼻中灌之必搐止錢又問曰既謂風病溫壯搐引目斜露睛內熱肢冷及搐甚而喘併以何藥治之李曰皆藥也錢曰不然搐者肝實也故令搐日西身微熱者肺氣用事也身溫且熱者為肺虛所以目微斜露睛者肝肺相勝也肢寒冷者脾虛也肺若虛甚母脾亦弱木氣乘脾四肢即冷治之當先用益黃散阿膠散得脾虛症退後

以瀉毒丸導赤散涼驚丸治之九日愈

石山治一女六歲病左手不能舉動三年矣後復病癩初用人參半夏或効或否汪診左脉浮洪右脉頗和曰痰熱也令以帛勒肚取茶子去殼三錢按碎以滾湯一碗瀝取汁隔宿勿食早晨溫服吐痰三碗許手能舉動癩亦不作

一兒初生未滿一月乳媪抱之懷間往觀春戲時風寒甚切及回即啼不乳時發驚搐始用蘇合香繼用驚搐藥不効汪曰小兒初生血氣未足風寒易襲此必風邪乘虛而入也風喜傷脾脾主四肢脾受風擾故四肢發搐日夜啼吐不乳經曰風淫末疾是也其治在脾脾土不

盧則風邪無容留矣因煎獨參湯初灌一二匙啼聲稍
緩再灌三五匙驚搐稍定再灌半盞則吮乳漸有生意
方蔭山治朱氏子八九歲寄食外家以肉汁拌飯啖之口
含飯未下咽因疾走顛蹙遂口禁手足搐動醫治不效
延七日甚至令人口含開關等藥合其口噴入僅能開
牙關而四肢搐動發熱昏沈不語如故脉洪滑方至以
石膏青黛甘草陳皮南星天麻薄荷猪苓澤瀉白朮茯
苓兜苓玄參黃芩加薑一片服是夜熱寐不動唯起溺
一度熱退身涼脉靜再進一服而愈

驚風

趙周士之子三歲忽驚風掣痰體如反張弓不納乳食四
肢盡冷衆醫莫治聞邑主簿李賡藏一方療此症奇驗
急求併力治藥才合就便以擦兒齒少頃作噦咳聲手
稍便動自夜至旦兩餅從此平復趙焚香設誓將終身
以救入名蝎稍餅子用赤足全蜈蚣一條蝎稍乳香白
芩蛇肉硃砂南星白僵蠶各半兩射香三錢凡小味砂
乳射別研蛇酒浸去皮骨取淨南星煨熟蠶生用與蜈
蚣蝎五者爲末別研三者和勻酒糊爲丸捏作餅子徑
四分煎入參湯薄荷或金銀湯磨化一二粒周歲以下者
半之全活小兒甚衆 癸志

薛已治一小兒周歲從卓上仆地良久復甦發搐吐痰沫服定驚化痰等藥遇驚即復作婢媼後不時發而難愈形氣俱虛面色痿黃服十全大補補中益氣二湯而愈一童子十五歲御女後復勞役考試失意患癩症三年矣遇勞則發用十全大補湯加味歸脾湯之類更以紫河車生研如膏入蒸糯米爲末丸如梧桐子大每服百丸日三五服而痊後患遺精發熱盜汗仍用前藥及地黃丸而愈此症治不拘男婦老幼皆效

慢驚

東都王氏子吐瀉諸醫用藥下之致虛變慢驚其睡露睛手足瘳癢而身冷錢視曰慢驚也與括萋湯其子胃氣實即開目而身溫王疑其子不大小便令諸醫以藥利之醫留八正散等劑服不利而身復冷錢曰不當利小便利之必身冷一二日已身冷矣因抱出錢曰不能食胃中虛若利大小便即死久即脾胃俱虛當身冷而閉目幸胎氣實而難衰也錢用益黃散史君子丸四服令微飲食至日牛果能飲食所以然者謂利大小便脾胃虛寒當補脾不可別攻也後不語醫作失音治之錢曰既失音何開目而能飲食又牙不緊而口不緊也諸不

龍曉錢以地黃丸補腎所以然者用涼藥利小便致脾
腎俱虛今脾已實而腎尚虛故補腎必先安治之半月而
能言一月而全愈

薛已治一小兒傷寒發斑服發表之劑手足抽搐服抱龍
丸目矐痰盛薛謂脾胃虧損而變慢驚也用六君加附
子一劑而愈

一小兒抽搐痰涎自流面色黃白用六君補中益氣一湯
而愈

馮鯨川治康憲許淮江翁文二歲患慢脾風衆皆爲不可
救矣馮曰脾胃虧損元氣虛弱而舌不甚短頭不甚低
或有所治急用附子理中湯三四服而少安仍灸百會

三里穴一七壯而愈

腹脹

東垣治一兒未滿百日二月間病腹脹二日大便一度瘦弱身黃色宜升陽氣滋血益血補利大便以蝎梢二分神曲升麻各三分當歸厚朴各一錢桃仁十枚都作一服水一大盞煎至半盞食遠熱服

薛已治一小兒腹脹面赤痰喘木便秘壯熱飲冷此形病俱實用紫霜丸一服諸症益甚面色頓白而喜湯用白朮散煎湯令恣飲良久而睡翌日頓安

一小兒傷食腹脹兼痛或用藥下之痛脹益甚而加氣喘此脾胃傷而致肺虛也用六君子加桔梗調補而痊

一小兒腹脹惡食發熱惡心症類外感薛曰此飲食停滯

也用保和丸一服諸症頓退惟腹脹用異功散而痊

一小兒傷食腹脹服尅伐之劑小便瀦滯又服五苓散飲食漸减小便不通四肢頓腫薛用金匱腎氣丸去附子夕用補中益氣湯而安

一小兒肚腹脹飲食即瀉手足逆冷此脾氣虛寒先用參理中湯後用六君子湯而愈

江應宿治吳氏兒週歲患腹脹悸且啼多汗努氣醫不知所為予視之身熱面赤關紋紫紅遍體瘡疥與琥珀抱龍丸腹漸消繼與涼膈散生蜜竹葉湯調下熱退嬉笑而愈所以知兒病者時當酷暑不離襁褓蘊熱內伏而然也

腹痛

羅謙甫治一小兒五月間因食傷冷粉腹中作痛遂以市中贖得神芎丸服之臍腹漸加冷疼時發時止踰七八年矣因思古人云寒者熱之治寒以熱良醫不能廢其繩墨據所傷之物寒也所攻之藥亦寒也重寒傷胃則為冷痛可知矣凡人之脾胃喜溫而惡寒况小兒血氣尚弱不任其寒故陽潛伏寒毒留連久而不除也治病必求其本當用和中養氣之藥以救前失服月餘愈

丹溪治一小兒好粽成腹痛用黃連白酒麴為末服之愈

滑伯仁治一女八歲病傷食煎燂內悶口乾唇舌燥黑腹痛不可忍或以剛燥丸藥利之而痛悶益甚滑以牽牛

木黃清快藥為丸以伏其燥利而愈

薛已治一小兒每停食腹痛發熱赤暈用清中解鬱湯而愈後患挫頭咬牙疼盛發搐吐酸腐待其吐盡翌日少以七味白朮散次日又以參苓白朮散調理脾胃遂不復患木抵吐後兒安不必更服他藥恐復傷元氣

一小兒五歲停食腹痛發熱而赤或用養胃湯枳實黃連更加腹脹午後熱甚按其腹不痛脾虛而藥傷用六君子湯數劑而痊

嗽喘

錢氏治京東轉運使李公孫八歲病嗽而胃滿短氣醫言肺經有熱用竹葉湯牛黃膏各二服治之三日加喘錢曰此肺氣不足復有寒邪即使喘滿當補肺脾勿服涼藥李曰醫已用竹葉湯牛黃膏錢曰何治也醫曰退熱退涎錢曰本虛而風寒所作何熱也若作肺熱何不治其肺而反調心蓋竹葉湯牛黃膏治心藥也錢治之愈薛已治吳江史安卿子傷風用表散化痰之藥反痰盛咳嗽肚腹膨脹面色晄白此脾肺俱虛用六君子加桔梗一劑頓愈過二日前症又作鼻流清涕此復傷風寒也仍用前藥加桑皮杏仁而已

史玄年子喘嗽胃腹膨脹泄瀉不食此飲食傷脾土而不能生肺金用六君子湯一劑諸症頓愈

一小兒六歲感冒咳嗽發散過度喘促不食痰中有血薛曰此成肺癰也次日吐痰而兼膿用桔梗湯而愈後元氣未復大便似痢用五苓黃連枳實痰喘目割四肢抽搐此脾風變症遂歿

江應宿治一童子八歲每令就學誦讀久之則嗽連聲不已諸藥不効予診脈察色知是血虛以四物換生地加杏仁陳皮利其氣麥冬阿膠五味少佐炒黑乾薑而愈蓋因出疹之後餘熱數月不退亦如婦人產後血虛之理同耳

嗽痛

錢氏治東都杜氏有子五歲自十月病嗽至三月未止始得嗽而吐痰風寒搐入肺經今肺病嗽而吐痰風在肺中故也宜以麻黃等發散後用涼藥壓之即愈時醫與鐵粉丸半夏丸楮銀丸諸法下之其肺即虛而嗽甚至春三月間尚未愈錢視之其候面青而光嗽而喘促哽氣又時長出氣錢曰病困已久九所以然者面青而光者肝氣旺也春三月肝之位也肺衰之時也嗽者肺之病肺自十一月至三月久即虛癆又魯下之脾肺子母也復為肝所勝此為逆也故喘促哽氣長出氣也與瀉青丸瀉之後與阿膠散實肺次日面青而不光錢又補

肺而嗽如前錢又瀉肝肝未已又加肺虛唇白如練錢曰此病必死不可治也肝大旺而肺虛絕肺病不得其時而肝勝之今三瀉肝而肝病不退三補肺而肺症猶虛此不久生故言死也此病于秋者十救三四春夏者十難救一果大喘而死

赤丹

湯治一女病發赤丹諸治不効以生料四物湯加防風黃
芩二日而愈卽四物用生地赤芍川芎歸身防風各半
兩黃芩減半煎大小加減忌酒麪猪羊肉豆腐此方治
血熱生瘡遍體腫痒及脾胃常弱不禁木黃等冷藥尤
宜服之

程明佑治吳氏兒病切其脉告曰病得之膏梁辛熱令人
患癆上擁頭面氣充熱極赤如渥丹詢之尚乳也所乳
母病胃脘痛飲燒酒教之更乳母以葛花濃煎日飲之
越五日色淡十日瘡盡單藥獨行取効速也

一小兒發丹赤色其父祈禱于神甚恭夢神命以荷葉燒

灰存性香油調付之愈

薛已治一小兒臂患赤暈走亂令人頗吮患處使其毒聚
於吮所乃破出黑血餘暈塗以神功散時以金銀花甘
草節為末用人乳汁調服而愈月餘後兩足赤腫仍治
以前法而痊數日後兩足復赤或用犀角解毒之類乳
食不進其腹膨脹此復傷脾胃也仍數前藥服補中益
氣湯加茯苓而痊

一女子赤暈如霞作痒發熱此肝經血熱用小柴胡加生
地黃連翹丹皮而愈凡女子天癸未至將至月經不調
被驚着惱多有此症治當審詳

一小兒遍身皆赤發之投解毒藥而愈一兒不從發毒入

腹死

痲疹

略例云一子病寒熱間作有痲三五點鼻中血微出兩手
脉沈瀆胃膈四肢按之殊無大熱此內傷寒也問之因
暑卧殿角傷風又渴飲水酪冰此外感也輕內傷者重
從內病俱為陰也故先痲衄後顯內陰寒熱間作脾寒
有之非往來少陽之寒熱也與調中湯數服愈

薛已治司廳徐東白子瘡痒發熱體倦少食此脾肺氣虛
外邪相搏先用消風散二劑隨用補中益氣湯加茯苓
芍藥而愈

喬秋官子作痛熱渴乃服發表之劑其症益甚形氣倦怠
脉浮而數此邪在經絡誤散表而損其真也用人參安

胃散補中益氣湯而愈若主祛風必成慢驚矣
豐功子作痒發熱用犀角消毒散一劑頓作吐瀉此邪
氣上下俱出其疹果消勿藥自愈

癩瘕

錢乙治皇子病癩瘕國醫莫能療聞乙有異能召之進黃
土湯而愈神宗問此何以能愈此疾對曰以土勝水木
得其平則風自止帝悅擢太醫丞

寶鑑治一小兒四歲因驚恐發搐痰涎有聲目多白睛項
背強一時詐方醒後遇驚則發多服犀朱腦射鎮墜之
藥四十餘日此症尚在又加行步動作神思如痴診其
脉沈弦而急針經云心脉浮大癩瘕筋攣病久氣弱多
服鎮墜寒涼之劑復損正氣故加動作如痴先灸二躡
各二十七壯服此藥又肝脉小急蓋小兒神氣尚弱因而
被驚神思無依又動于肝肝主筋故癩瘕筋攣又經曰

恐則氣下精祛而上焦閉以羌活五錢獨活四錢苦溫引氣上行又入太陽為引用為君天麻防風各一錢辛溫以散之當歸甘草各二錢辛甘溫以補氣血之不足又養胃氣為臣附子川芎各二錢益智二錢木辛溫行陽退陰又治客寒傷胃腎主五液入脾為涎以生薑半夏二錢燥濕化痰沈香一錢辛溫體重氣清去怯安神為使每五錢薑水煎服各曰沈香天麻湯三劑而安汪石山治一人形短頰肥色白近蒼年踰二十因祈雨過勞遂病手足癱瘓如小兒發驚之狀五日勺水不入口語言艱澁或作痰火治或作風症治皆不效汪視之脉皆浮緩而濡按之無力曰此因傷脾以勞倦故也土極

似木之病經云亢則害承乃制是矣夫五行自相制伏和平之時隱而不見一有所負則所勝者見矣今病脾土受傷則土中之木發而為病四肢為之癱瘓也蓋脾主四肢風主動故也若作風痰治之必致于死宜補其脾土之虛則肝木之風自息矣遂以參苓為君陳皮甘草歸身為臣薑柏麥冬為佐經云泄其肝者緩其中故用白芍為使引金泄木以緩其中下服踰宿遂起服至十餘貼全安

錢仲陽治王氏子吐瀉諸醫藥下之至虛變慢驚手足癱瘓而身冷醫復與八正散錢曰不能食而胃中虛若利大小便即死久則脾腎俱虛當身冷而閉目必用益黃

散史君子丸補脾遂能飲食後又不語錢以地黃補腎丸一月而安

石山治一人年十五色黃悴十二月間忽嘔痰血一二碗隨止延小兒醫調治肌體尚弱常覺頭暈近于三月間天熱途步出汗連日又勞倦日晏頓然昏暈不省人事手足擾亂顛倒將一時久方定次日亦然續後每日午前後如期發一次近來漸早自辰至午連發二次漸發三四次比前稍輕發時自上焦熱上至胃壅塞則昏暈良久方甦始疑為瘧成痼醫云火動又云痰症用牛黃丸以竹瀝薑汁磨服二次共四丸又與煎藥多清痰火之劑服後每日只發一次止則汗多口乾食少身熱時

多涼時少汗脈之皆浮虛洪數不任尋按坐起則覺略小亦不甚數脈書曰數脈所主為熱其症為虛三日後再診左脈小而滑右脈大而滑濁肺部浮軟按之似蟄有聲與脈不同者虛之故也夫陽氣者清純沖和之氣也或勞動過度或酒食過傷則擾動其陽變而為邪熱矣然脾胃以陽氣為主陽變為熱血必沸騰而越出於上矣昏暈者由熱薰灼故神昏運倒而類風也風之旋動轉運與火相類每覺下焦熱上胃膈壅塞而即發者脾脈從足入腹至胃令下焦熱上乃脾火也然胃膈心肺之分為陽之位清陽居上而邪熱擾之則陽不得暢達而心肺之神魂不免為之昏亂矣况五藏皆賴胃

氣以培養胃受火邪則五藏皆無所稟而所藏之神亦無所依故肺之魄心之神肝之魂脾之意腎之志安得不隨之潰亂燥擾而昏瞶邪多發于午前發者乃陽氣所主之時陽為邪擾不能用事故每至其時而輒發也且汗多津液泄口乾津液少醫用牛黃硃砂琥珀南星半夏等而復燥之是愈益其燥故暫止而復發不能拔去其病根也因取參芪各二錢半遠志山查川芎黃芩各七分天麻防風茯苓神麥冬各一錢甘草陳皮各五分歸身八分白朮一錢半煎服十餘貼而病不復作矣江應宿治一富家兒病手足瘰癧延至二十餘日轉篤乎後至曰此氣虛也當大補之以參芪歸朮茯苓黃連半

夏甘草佐以肉桂助參芪之功補脾瀉肝一飲遂覺少定數服而愈所以知兒病者左脉滑大右脉沈弱似有似無右手主於氣故曰氣分大虛經所謂土極似木亢則害承乃制脾虛為肝所侮而風生焉症似乎風治風無風可治治驚無驚可療治痰無痰可行主治之法所謂氣行而痰自消血榮而風自滅矣是肝之病知肝當傳脾故先實其脾土治其未病否則成慢脾風而危殆矣

癖積

劉仲安治一兒病癖積左脇下硬如覆手肚大青筋發熱肌瘦自汗咳嗽日晡尤甚牙疳口臭惡宜露出血四肢困倦飲食減少病甚危篤先與沈香海金砂丸一服下穢物兩三行次日合榻氣丸服之十日復與沈香海金砂丸利之又令服榻氣丸如此五換服至月餘其癖減半未及百日良愈

愚按近年多有此疾治之不得其法多致夭殤錄之以救將來之病者也沈香海金砂丸以沈香二錢海金砂輕粉各一錢牽牛頭末一兩右爲末研獨蒜如泥丸如桐子大每服五十九丸煎燈心湯送下量虛實

加減丸數取利爲驗大便利止後服榻氣丸以陳皮羅葡子炒各半兩木香胡椒各三錢草豆蔻去皮青皮各三錢蝎梢去毒二錢半爲末糊丸梧桐子大每服三十九丸食後米飲下

黃疸

羅謙甫云一、小兒季夏身體蒸熱，胃膈煩滿，皮膚如潰，橘之黃，眼中白睛亦黃，筋骨痿弱，不能行立。此由季夏之熱，加以濕，令而蒸熱，薄于經絡，入于骨髓，使臟氣不平，故脾逆，乘心，濕熱相合而成此疾也。蓋心火實則身體蒸熱，胃膈煩滿，脾濕勝則皮膚如潰，橘之黃，有餘之氣必乘已所勝而侮不勝，是腎肝受邪，而筋骨痿弱，不能行立。內經云：脾熱色黃，而肉蠕動。又言濕熱成痿，豈不信哉？所謂子能令母實，實則瀉其子也。蓋脾土退其本位，腎水得復，心火自平矣。又經曰：治痿獨取陽明，正謂此也。乃以加減瀉黃散主之。方以黃連茵陳各五分，黃

柏黃芩各四分，茯苓枝子各二分，澤瀉二分，作一服煎熱服，食前一服，減半，待五日再服，而愈。內經曰：土位之主，其瀉以苦。又云：脾惡濕，急食苦以燥之。故用黃連茵陳之苦寒，除濕熱，為君。腎欲堅，急食苦以堅之。故以黃柏之苦辛寒，強筋骨，為臣。濕熱成煩，以苦瀉之。故以黃芩枝子之苦寒，止煩除滿，為佐。濕滯於內，以淡泄之。故以茯苓澤瀉之甘淡，利小便，導濕熱為使也。

口瘡

一 小兒口瘡不下食，眾醫以狐惑治之，必死。後以藥湯于脚下浸，半日頓寬，以黃栢蜜炙，僵蠶炒為末，付之，立下乳愈。

薛已治小兒口瘡，嘔血便血，兩腮微腫，唇白面青，此脾土虧損木所乘也。朝用補中益氣湯，食遠用異功散而愈。

一 小兒口瘡，右頤鼻赤，此肺脾經虛熱。用四君升麻及白朮散而愈。

一 小兒齒齲腐爛，頭面生瘡，體瘦發熱，此脾肝所致。先用太蘆薈丸，又用四味肥兒丸，太楓膏而愈。

一 小兒齒齲蝕爛，年餘不愈，用太蕪蕘湯治其疳邪，五味

異功散，捷其脾氣，事愈後復作，兼項間結核，另服敗毒藥，口舌生瘡，用四味肥兒丸而愈。

一 小兒口瘡，寒熱皆作，渴引飲，此脾肝氣虛發熱，而津液不足也。先用白朮散以生胃氣，再用四物肥兒丸以治疳症，兩月餘，又用異功散而安。

一 小兒口瘡，身熱如炙，肚腹脹大，此脾肝內作，朝用五味異功散，夕用四味肥兒丸，稍愈。又以地黃蝦蟆二丸，兼服愈。

一 小兒口瘡，久不愈，診其母右關脈弦緩，乃木剋土之症。先用六君柴胡，又用加味道邊散治其母，子自愈。江應宿治小兒口瘡，以桑樹汁塗之，得愈，吞嚥亦無妨，以

此治數兒及大人俱効

契泥

玉田隱者治一女忽嗜食河中污泥日食三碗許以壁間
敗土調水飲之愈

丹溪曰契泥胃氣熱也用黃芩白朮茯苓陳皮軟石
膏煎服

華士齋治一兒嗜食泥土困睡泄瀉遍身如疥此脾經內
外痔也用六君子湯及四味肥兒丸而愈

痘疹

錢希承治徐氏子痘而泄衆以為不治錢視之則加數已
乃止居頃之又作衆以為必不可療錢曰急矣非附子
不可一投少間再投而愈

丹溪治從子六七歲痘疹發熱微渴自利一醫用木香散
每貼加丁香十粒觀其出遲因自利而氣弱察其所下
皆臭滯陳積因腸胃熱蒸而下也恐非有寒而虛遂急
止之已投一貼矣乃以黃連解毒湯加白朮與十貼以
解丁香之熱利止疹亦出其後肌常有微熱而手足生
癰癩與涼劑調補月餘安

一男子年十六七歲發熱而昏目無視耳無聞兩手脈皆

豁大而略數知其為勞傷矣以人參黃芪當歸白朮陳
皮木料濃煎與十餘貼痘始出又二十餘貼則成濃泡
身無完膚或謂合用陳氏全方此但虛耳無寒也只守
前方又數十貼而安後詢其因謂四五日勞力甚出汗
多若用陳氏全方誤矣

錢仲陽治一王子瘡疹始用李醫又召視之以抱龍三服
李又以藥下之其瘡稠密錢曰若非轉下則為逆病王
李已藥下之錢曰瘡疾始出未有他痘不可下也如瘡
三日不出或出不快則微發之發之不出則加藥加藥
不出則大發之如大發身涼及脈平無症者此瘡本稀
不可更發也大發之後尚有木熱當以五苓散利小便

小熟者當消毒散以解毒若出快勿發勿下用抱龍丸
治之瘡痂若起能食者大黃丸下之瀉二三行則止今
先下一日痘疹未能出盡而稠密甚則難治也縱得安
其病有三一者疥二者癰三者目赤經三日黑陷錢曰
幸不發寒而病未困也遂用百祥丸以牛李膏為助各
一太服至五日間瘡復紅活七日而愈

陳文中治一女三歲痘疹始出泄瀉以木香散下豆蔻丸
一服瀉止至九日聞其瘡不肥滿根窠不紅咬牙喘渴
彼以熱毒在痘瘡不屬欲與清涼飲陳曰若此則耗真
氣必至喘渴而死宜木香散加丁香四十枚官桂一錢
二服又與異功散一服至十日其瘡蒼蠟色咬牙喘渴

皆止至十三日瘡痂不落痒甚足指冷咬牙喘渴不已
以異功散加丁香半錢桂一錢連二服而愈

一 小兒七歲痘疹七日痒塌寒戰咬牙飲水是脾胃肌肉
虛也如與水飲則轉渴不已而死當用木香異功散急
救表裏三日各三服至半月愈

一 小兒三歲痘瘡八日發熱腹脹足指冷咬牙飲水痒塌
搔之血出成坑陳曰發熱腹脹足指冷者脾胃虛也痒
塌者肌肉虛咬牙飲水者津液衰也若熱去則死矣經
云陰虛則發熱宜木香散加丁香十粒桂一錢服之可
也彼曰如何更加丁香桂陳曰丁香攻裏官桂發表其表
裏俱實則不致痒塌喘渴木香散連二服又異功散三

服而愈

一 小兒三歲痘瘡七日如粟殼狀問曰如何細碎不長陳曰表虛不壯熱也宜異功散彼畏熱藥陳曰熱則氣血和暢自然出快以異功散加附子三片桂五分服之愈
一 女九歲痘瘡十四日不成痂膿水不乾咬牙飲水陳曰氣血衰則咬牙內虛則煩渴宜木香散加丁香十一枚桂五分日三服愈

一 小兒痘瘡十一日誤食柑子因發熱痒渴陳曰柑味酸收斂津液故發熱痒渴用人參麥冬湯三服而安
一 進士十三歲痘疹身温喜水瘡細碎陳曰是肌肉虛津液少也以木香散加丁香二十枚桂五分日夜三服瘡

出根紅快透至十一日痂不落又以木香散加木香五分桂一錢連二服愈

一 小兒痘瘡始出自利二次瘡細碎不光澤不起發以木香散加丁香官桂一服瀉止瘡出快透至十三日不結痂糝稠膿水粘衣身痒不眠陳曰痘始出而瀉今乃痒塌而靨是內虛也木香散加木香官桂各五分連二服仍以敗草付之愈

一 小兒二歲發熱驚搐足冷痘欲出不出用異功散三服共加丁香四十五枚附子一錢次日以木香散加丁香附子木香官桂各五分連二服搗止足煖痘出愈
一 女子笄年出痘灰白色身熱喘嗽渴脉洪有力與凡物

湯加翹桔犀屑木通半夏紫草石膏杏枳連芩前胡瓜
萸實服之十貼後色紅活喘嗽少減漸紅活但熱未除
遂於前方減茵杏胡枳芩連萸七味服至三十餘貼而
安安後髮皆落月餘方起虛之甚也

一男子二十餘出痘破者未破者灰白色又雜間以黑陷
倒靨者發熱寒戰身痛脉洪或時弦亦與八物加木通
紅苓紫草陳皮連翹服之十餘貼而安

予和曰予舟艤蔡河舟師偶見敗蒲一束公流而漸迫舟
次似啼聲而微舟師探而出視之驚見一兒四五歲瘡
疱周匝密不容隙兩目皎然饑而索食因啖之粥方料
此兒以蔡河來其流緩必不遠持兒一鞋逆流而上行

二十里至村落舟師高唱曰有兒年狀如許不知誰氏
瘡疱病死棄之河中今復活矣酒肆中有人出曰此吾
兒也奔走來視驚見兒活大慟流涕拜謝舟師喜抱兒
歸此兒本死得水而生伏驗來者瘡疱之疾寒耶熱耶
丹溪治一婦年二十歲有孕七箇月出痘大渴不甚出透
寒熱交作此虛也以參芪歸朮陳皮各一錢炙甘草二
錢薑二片酒水各半煎

一子十九歲出痘有紅斑吐泄而渴以白朮三錢陳皮二
錢黃芪當歸茯苓縮砂各錢半蒼朮一錢炙甘草三分
生薑二片

一子十餘歲出痘熱時出根脚密嘔吐不食腰背骨節痛

大渴喉亦痛全不食者半月餘脉浮弦洪而數與參芪歸木炙草陳皮茯苓黃芩煎服之至五日色淡又加桂少許歸芪再用酒製至七日痒甚加丁香數粒附子少許痒止至八九日渴大作而腹泄瀉痒至午寒戰以參木爲君芍歸陳皮炙草苓爲臣至十一日不瀉或時譫語但守本方服之後自吐痰多而安

一婢痘後渴肚急小便少發熱以炙甘草錢半白朮白芍各五分炙芪川芎陳皮各三分木通二分

一子五歲痘後肚急以白朮一錢陳皮木通各五分犀角川芎蘇梗白芷炙草各三分

一女十餘歲痘發不透掩露後骨節痛食少夜間或熱此

餘毒在內虛甚難于踈導須在補中有通以歸木陳皮各一錢牛膝五分通草蘇梗各二分犀角炙甘草各二分薑三片

一兒七歲痘初出不透毒氣攻內骨節作痛兩足不可直癍痕欠而利小便赤少以歸木各一錢陳皮木通犀角人參茯苓各五分炙草少許分二貼

一女傷寒但腹瀉甚日夜啼哭手足厥冷危殆時痘災大行疑是痘症遂取生猪血急用腦射和灌一服得睡痘出乃安

兗州一子斑瘡倒靨已至危困有爲投獨味麻黃湯一服便出其應如神未至胃爛便血者皆可治方以麻黃三

十寸去節蜜拌炒香紫色為度水一盞煎五六分

錢仲陽治一子病瘡見皮膚下不出及出不快紫黑乾陷甚危下牛李膏而愈

一子患痘疹已出而稍遲遂用正氣散加白芍又用胡荽酒猴黎酒即山查也尚出遲其家謂藥太緩夜自燒入齒五枚酒調服之一身瘡疹盡出錢聞駭再診其脉已微觀腦後併兩足盡白色是榮衛弱毒氣少而藥力太過陽氣少而無以應接故無血色也陽氣盡出外則裏寒寒氣成濕濕必濡瀉急以一氣丹為丸服至半兩二日瀉止又服內補散治瘡痘成斑爛遍體成片將息月餘方愈此因人齒散表過故也

一童子痘瘡攤塌數日作瀉醫用保和湯加茯苓肉果不效二服瘡色變紫後用四苓散加黃連一服瀉稍止痘色亦轉好再一服只飲正藥作二三次服瀉乃止後痘半灌濃而頑蒸毒有未盡肩發癰以尋常腫毒膏貼之愈一童子痘色全好但腹中一痛瘡色即變紫痛止色復舊脉洪大時已十餘日灌濃將滿但不靨乃以藥下其毒積瘡遂轉好愈

一人年近二十痘瘡初出足冷過膝用綿裹不暖乃用參芪歸朮加附子二分二貼足暖除附子再用四貼痘稠密根脚甚正一月間瘡痂落盡因用參芪補之太過增其火每日強進粥五六碗至七月半邊大便或澀或泄

至二十日大作嘔吐粒米不入但食水谷則如一物從臍下托起吐出腸鳴大作危甚乃用四物加黃連犀角白朮之類以解參芪之滯一服而火降能食勝前乃知此症下瀉亦屬於熱諸逆冲上皆屬於火腸鳴水擊其火也木段血虛有火而致乃以補血降火之藥川歸白朮各二錢白芍錢半茯苓枸杞各一錢黃柏八分黃連薑汁炒陳皮各七分炙草六分每日粥漸加肌肉漸生精神好大便實惟下唇紅身雖瘦而無熱脉不數左三部微細善飢能睡蓋先時鬱熱在內藥久解利胃氣不得舒暢以致然也

一童子八歲患痘八九日將靨因食肉圓子過多作痰痘

反陷下無措問神批曰宜用射香五靈脂雄黃各五分為末每服三分酒調下醫云不可服復問前神神怒曰此名神功散出普濟方可到方相達所借書看既而服之痘起而愈

程仁甫治吳氏子年二歲痘疹靨後仍有黑疥遍身大小十五枚在胃及右脛大者二枚如人口樣內爛至骨不能食發熱大便瀉小便赤少用保元湯加木茯苓芍柴喬荆通六劑外用芒硝猪膽膏塗之而愈此乃餘毒未盡之症治當補養兼解毒若純用寒涼即傷胃氣矣千夫長近二十忽眼眩熱且咳醫曰疹也以火齊湯發之而瘡出愈

江篁南治六弟八歲患痘根窠紅潤但眼白睛紅不識人
謔語狂妄手捏撮尋衣摸床以四君子湯加紫草牛蒡
子麥冬黃芪糯米撮二服而愈

猶子五歲患痘熱時出根脚密白色欲出不出且腹痛渴
甚連瀉三次嘔惡不食初以保元湯加桂三分丁香三
分半糯米六十粒不應繼以保元湯合異功散加丁香
十粒覺稍起連進二服加丁香二十枚桂五分遂盡出
身無完膚半月愈

江應宿治休寧吳氏子八歲出痘四日內兩頰赤肉痘不
分醫認作虛寒將投附子保元湯予曰此紅紗撲面症
乃心火蘊熱毒也宜清涼解毒犀角地黃加芩連紫草

二劑紅退痘瘡起脹七日上再與保元湯人參漸加至
七錢而愈初為熱毒所致仍損二目

疹瘡

方蔭山治程氏子二歲出疹因出遲沒早發喘大熱舌短不乳昏沈醫皆不治方以玄參茯苓甘草麥冬天麻陳皮乾葛麻黃羌活黃芩知母犀角石膏各日犀角石膏湯一服症減半二服愈

果橋以醫名里中有兄子始孩累日發熱蒸蒸驚搐昏憤眾醫不知所出橋診之曰疹也寒邪外乘閉而不出是呱呱耳飲藥已數中氣乃傷藥不足待也當置沸湯一甌撤其蓋令保母抱子坐湯側稍遠攤被圍之湯氣自遠薰蒸少飲藥內托疹出而解無何叢睦汪氏子病如乏仍用向法並効其證類如此故鄉人稱良焉

江應宿治表姪女九歲出疹沒早發欬喘大發熱肌瘦不飲食唾嘔痰沫甚多延半月餘予往視之曰血虛病也以四物湯加杏仁阿膠麥冬五味炮薑一服熱退身涼痰欬俱止再劑而愈

一兒三歲患疹出遲而沒早發熱咳嗽昏悶不食予診視曰疹出不透出見風寒沒早宜急發之以葱薑麻黃小分四物換半地加杏仁天花粉葱薑煎服重復出一身比前更多三日沒盡而愈凡疹症出自六腑宜養陰抑陽剛劑決不可服犯之即發喘渴悶亂失于收救多致夭折如參芪半夏白朮常品溫燥之藥亦所當忌只宜清熱養血如出遲者少加升散之藥送之達表而已

嗜卧

呂滄洲治一幼女病嗜卧頰赤而身不熱諸醫皆以為慢驚風屢進攻風之劑兼旬不愈呂切其脉右關獨滑而數他部大小等而和因告之曰女無病關滑為宿食意乳母致之乳母必嗜酒酒後輒乳故令女醉非風也及詰其内子内子曰乳母近掌酒庫鑰竊飲必盡意使人視之卧内有數空罌乃拘其鑰飲以枳椇子葛花日二三服而起如常

薛已治楊永興子七歲停食吐瀉後好睡睡中兼驚又治不愈薛曰好睡是脾氣虛困也善驚是心血虛怯也蓋心為母脾為子也此心火不能生脾土用補中益氣湯

及六味丸加鹿茸治之而愈

異症

一人口鼻氣出盤旋不散凝似黑蓋過十日漸漸至肩與肉相連堅如鐵石無由飲食多因瘡後得之用澤蘭水煎日飲三盞五日愈

一兒初如魚泡又如水晶碎則流水用蜜陀僧羅極細搽之

一兒初生遍身無皮俱是赤肉乃因母自懷胎十月樓居不受地氣故也取兒泥地卧一宿即長皮又方白早米粉乾撲之候生皮乃止

一小兒七歲聞雷則昏倒不知人事以人參當歸麥冬少入五味熬膏盡一斤後聞雷自若

張南軒晚得奇疾虛陽不秘每嘆曰養心莫善於寡慾吾平生理會何事而心失所養乎竟莫能治踰年而卒就斂通身透明腑臟筋骨歷歷可數瑩徹如水晶自昔醫書不載 坦齋筆衡

叅政孟庾夫人徐氏有奇疾每發於見聞即舉身戰慄至於幾絕其見母與弟皆然母至死不相見又惡聞徐姓及打銀打鐵聲嘗有一婢使之十餘年甚得力極喜之一日偶問其家所為業婢曰打銀疾亦遂作更不可見逐去之醫祝無能施其術蓋前世所未嘗聞也 太平廣記
建炎戊申鎮江府民家兒生四歲暴得腹脹疾經四月臍裂有兒從裂中生眉目口鼻人也但頭以下手足不分

莫辨男女又出白汁斗餘三日二子俱死
濮陽傳見宣城縣一人死其背脊骨一直如繩自頸至尻
骨左半邊紅紫右白色人無識者

湯火金瘡

建昌士人黃襲云有鄉人爲賈泊舟潯陽月下彷彿見一
人對語曰昨夕金山修供甚盛吾往赴之飲食皆血腥
不可近吾怒庖人不謹漬其手拚中皆已潰爛矣其一
曰彼固有罪子責之亦太過曰吾比悔之願無所及其
一曰是不難治但搗生大黃以米醋調傅瘡上非惟止
痛又且滅癢茲方甚良弟無由使聞之耳賈人適欲之
金山聞其語意冥冥之中假手以告遂造寺中詢之乃
是夜有設水陸者庖人揮刀誤傷指血落食中恍惚之
際若有人掣其手入鑊中痛楚徹骨賈人依神言療之
二日愈

夷堅志

孫光憲家人作煎餅，二子抱核子擁爐，不覺落火爐上，遽以醋泥塗之，至晚不痛，亦無癢痕，定知俗說亦不厭多聞。北鎖夢言

宋高祖劉裕微時代，狄見大蛇長數尺，射之傷，明日復至，聞杵臼聲，往覘之，見青衣童子數人於榛中搗藥，問其故，答曰：我王為劉寄奴所射，合藥傳之，帝曰：吾神何不殺？答曰：寄奴王者不死，帝叱之，皆散。收藥而反，每遇金瘡，傳之良驗。寄奴高祖小字也。此藥因名劉寄奴一味，為末先以糯米漿雞翅掃傷處，後搽藥末在上，不痛亦無痕，大凡湯著急以鹽末搽之，護肉不壞，然後用藥末傳之，妙。本事方。

周宗山班掾捕海寇，被提刀所傷，血出不止，筋如斷骨，如折用蒼葢石散掩之，血不止，痛不定。有軍人李高言：某在軍中被刀傷中，欲死，見統領與藥一貼，名紫金散，掩之血止痛，定明日瘡靨如鐵，遂安。又無癢痕，後告統領求此方，只用紫藤香，即降真香之最佳者，甚衆。紫藤香即降真香之最佳者。

温州有匠人造屋，失足墜地，有鑊頭，豎柱傍脚，被傷血如湧，出倉卒無藥，有僧道光于門扇上撮得搗塵，掩定血止痛，定曰：古人用門程塵者，此也。

有婦人因冬月向火，兩股生瘡，其汁淋漓，人無識者。後一醫云：此皆火氣入內，生此俱用黃栢為末，搽之立愈。果

驗後又再作適無黃柏用薄荷煎湯塗之立愈
一少年遇盜被其叉中肩甲間一股中臂一肢脇上外科
數貼即癒但患人晝夜發熱坐喘不能偃息瘡口痛極
其瘡痕如碁子大常如牛鼻濕潤無竅因用大南星一
味為末名曰壽星散摻之則濃血迸然而出微微咳聲
即便迸出色如丹粉與血片相雜即用布裝盛米一石
枕其腰膝頭倒於床已可倒頭矣如是日次出白膿
又其次出濃黃水數日其喘即平遺熱不已遂服小柴
胡湯數日乃瘥此因被透內血倒流入膜外一至於斯
也

江應宿在湖見人相打毆破頭流血金瘡藥付之不止一
道人見之急取稻稈為末撲上即止包定不半月愈
猶子子億用銀剪候交斷無名指皮連骨折予曾口授方
進士七釐散急進一服痛定敷以蒼蘞石散兼旬平復
如初七釐散取土鼈新瓦上煨存性為末秤七釐生酒
服以醉為度

蜀兒奴逃走刻斷筋取旋覆根絞取汁以筋相對以汁塗
而封之即相續如故百不失一朝野僉載

食忌

方書言食鼈不可食，甚溫。華郎中因併啖之，自此苦腹痛。每作時，幾不知人，疑鼈所致而未審。乃以一物令小蒼頭食之，遂得病，與華類。而委頓尤劇，未幾遷死。拜尸致馬廐，未斂，忽小鼈無數自九竅中出，既中唯遇馬溺者，即化為水。華聞自臨視，培聚眾鼈以馬溺灌之，皆即化為水。於是華飲馬溺，遂差。或云白馬溺尤良。瑣碎錄。昌國人買得鼈十數枚，痛飲大醉，且食紅柿。至夜忽大吐，繼之以血，昏不知人，病垂殆。同邸有知其故者，憂之，忽一道人云：唯木香可解。但深夜無此藥，偶有木香餅子，一貼試用之。病人口已噤，遂調藥灌，即漸甦，吐定而愈。

百一選方

食黃頰魚不可服。荆芥，吳人魏幾道在外家啖黃魚羹，罷採荆芥和茶而飲，少焉足底奇痒，上徹心肺，跣足行沙中，馳宕如狂，足皮皆破，欲裂，急求解毒藥餌之。幾兩月乃止。溪澗中石斑小魚亦與荆芥反。

韶州月華寺側民家設僧供，新蜜方熟，群僧飽食之。有僧兩人還至半道，過村墟賣鮓，買食盡半斤。是夕皆死，生葱與生蜜相反，犯之腹脹死。

木鼈子不可與猪肉食，反之立死。一富人生二子，恣其食啖，遂成痞疾。其父得一方，用木鼈子、黃猪肉同食，二子皆死。

山塘吳氏年二十餘患便毒清晨服木鼈子藥午後飽啖
猪肉須臾叫噪而死

曾見鄉人食蕎麥餅服石膏而死者人莫知其故又一婦
人欲自盡市砒市人疑以石膏與之歸以和蕎麥麩作
餅食之亦死以此知石膏與蕎麥反南人不可與羊肉
同食犯之立死

丹毒

江煥言馮悅御藥服伏火藥多腦後生瘡熱氣蒸蒸而上
幾不救矣一道人教灸風市穴十數壯雖愈時時復作
又教馮以陰煉秋石以大豆卷濃煎湯下遂悉平和其
陰陽也陰煉秋石法余昔傳之沈暘大豆卷法大豆於
壬癸日浸井花水中候豆生芽取皮作湯使之

王偁定觀者元符殿師恩之子有才學好與元祐故家游
政和末為殿中監眷遇甚渥少年貴任酒色自娛一日
忽宣召入禁中上云朕近得一異人能製丹砂服之可
以長生久視煉治經歲而成色如紫金卿為試之定觀
欣然拜命即取服之纔下咽覺胃間燥煩之甚俄頃烟

從口中出急扶歸已不救既殮之後但聞棺中剝喙之聲莫測所以已而火出其內頃刻之間遂成烈焰廬室盡焚但得枯骨於餘燼中亦可怪也

丁廣明者清里中老儒也嘗任保州教授郡將武人而通判者戚里子多姬侍以酒色沈縱會有道人過郡自言數百歲能煉大丹服之可以飽嗜慾而康強無疾然後飛升度世守二館之事以師禮擇日批丹竈依其法煉之七七日而成神光燭天置酒大合樂相慶然後嘗之廣聞之裁盡以獻乞取刀圭以養病身道人以其骨凡不肯與守二憐之為請謹得半粒廣欣然服之不數日郡將通判皆疽發於背道人宵遁守二相繼告徂廣腰

間亦生癰甚重亟飲地漿解之得愈明年考滿改秩居里中疾復作又用前法稍痊偶覺熱燥因澡身水入瘡口中竟不起金石之毒有如此者因書以為世戒

中毒

一將官服仙茅遇毒舌脹出口漸大與肩齊善醫環視不能治一醫獨曰尚可救少緩無及矣取小刀斫其舌隨破隨合斫至百數始有血一點許醫喜曰無害也舌應時消縮小即命煎大黃朴硝數碗連服之以藥末并搽舌上遂愈

蓋諒郎中兄詵因感疾醫盧生勸服附子酒每生切太附二兩浸斗酒且飲輒飲一盃服之二十年後再為陝西漕使諒自太學歸過之南樂縣拉同行中途曉寒詵飲一盃竟復令溫半盃比酒至自覺微醉乃與妻使飲行數里妻頭腫如斗唇裂血流下駐路傍呼隨行李職醫

告之李使黑菉豆各數合生嚼之且煎湯併飲至曉腫始消詵乃服之不輒到長安數月失明遂致仕時方四十餘歲

宋晦翁居山中中鳥喙毒幾始因思漢質帝得水可活之語遂連飲水大嘔泄而解

崇寧間蘇州天平山白雲寺五僧行山間得葦一叢甚大摘而煮食之至夜發吐三人急採鴛鴦草生啖遂愈一人不肯啖吐至死此草藤蔓而生對開黃白花傍水依處多有之治癰疽腫毒有奇功或服或敷或洗皆可令人謂之金銀花又曰老翁鬚本草名忍冬已志

王舜求云蒿菜出高國有毒百蟲不敢近蛇虺過其下誤

觸之則目瞑不見物人有中其毒者唯生薑汁解之
南海有石首魚者蓋魚枕也取其石治以為器可載飲食
如遇蟲毒器必爆裂其効甚著福唐人製作尤精人但
玩其色鮮能識其用

飲酒中毒經日不醒者用黑豆一升煮取汁溫服一小盞
不過三次即愈今人謂之中酒是也

太子中允關杞曾提舉廣南西路常平倉行部邕官一吏
人為虫所毒舉身潰爛有一醫言能治使視之曰此為
天蛇所螫疾已深不可為也乃以藥付其瘡有腫起處
以鉗按之凡取十餘條而疾不起又錢塘西溪嘗有一
田家急病癩通身潰爛號呼欲絕西溪寺僧識之曰此

天蛇毒爾非癩也取木皮煮飲一斗許令其恣飲初日
疾減半兩三日頓愈驗其木乃今之秦皮也然不知天
蛇何物或云草間黃花蜘蛛是也人遭其螫仍為露水
所濡乃成此疾露涉者戒之

興化人陳可大知肇府肋下忽腫起如生癰癰狀頃間其
大如盆識者云此中掩生毒也俟五更以菘苳嚼試若
香甜則是已而果然乃搗升麻為細末取冷熱水調二
大錢連服之遂洞下瀉出生葱數莖根鬚皆具腫即消
縮煎平胃散調補且食白粥後亦無他

雷州民康財妻為蠻巫林公祭用雞肉挑生值商人揚一
者善醫與藥服之才食頃積肉一坵剖開筋膜中有生

肉存已成鷄形頭尾嘴翅時尙以康訪于州州捕林置
獄而呼揚生令具疾證用藥其略云凡喫魚肉瓜菓湯
茶皆可初中毒覺胃腹稍痛明日漸加攪刺十日則物
生能動騰上則胃痛沈下則腹痛積以瘦悴此其候也
在上高則取之其法用熱茶一甌投膽礬半錢化盡通
口呷服良久以鷄翎探喉中即吐出毒物在下高即瀉
之以米飲下鬱金末二錢毒即瀉下乃擇人參白朮各
半兩碾末同無灰酒半升納瓶內慢火熬半日許度酒
熟取溫服之日一盞五白乃止然後飲酒如故了志
江嶺之間有飛蠱其來也有聲不見形如鳥鳴啾啾唧唧
然中人即爲痢便血醫藥多不差旬日間不救

朝野僉載

陳齋郎湖州安吉人因步春渴掬澗水兩勺飲之數日覺
心腹微痛日久痛甚藥罔効醫診之云心脾受毒今心
脉損甚齋郎答曰去年涉春渴飲澗水得此醫云齋郎
飲却蛇交水蛇在澗邊遺下不淨在澗水內蛇已成形
在齋郎腹中齧其心而痛也遂以水調雄黃服果下赤
蛇數條能走矣

各醫錄

貞元間崔貧外從質云目擊有人被蜘蛛咬一身生系腹
大如孕婦其家棄之乞食於道有僧遇之教飲羊乳數
日平

南唐相馮延巳苦腦中痛累日不減太醫令吳延紹密詰
厨人曰相公平日嗜何物對曰多食山鷄鵲延紹於

是投以甘草湯而愈蓋山鷄鵝鳩皆食鳥頭半夏故以此解其毒南唐書

一人誤食石斑魚子中其毒吐不止或教取魚尾草研汁服少許立愈魚尾草又名糖木根形似黃荊八月間開紫花成穗葉似水楊無大樹經冬不凋漁人用以藥魚

四明温台間山谷多生菌然種類不一食之間有中毒往徃至殺人者蓋蛇毒氣所薰蒸也有僧教掘地以冷水攪之令濁少頃取飲皆得全活此方見本草陶隱居註謂之地漿亦治楓樹菌食之笑不止俗言食笑菌者居山間不可不知此法

一朝官與一高僧西遊道由歸峽程頓荒遠日過午餒甚

抵小村舍聞其家畜蠱而勢必就食去住未判僧曰吾有神呪可無憂也食至僧閉目誦持俄有小蜘蛛延緣盤吻僧速殺之於是竟食無所損其呪曰姑蘇喙摩耶啄吾知虫毒生四角父是穹窿窮母是舍耶女眷屬百萬千吾今悉知汝摩訶薩摩訶薩是時同行者競傳其本所至無恙別傳解毒方用豆豉七粒巴豆二粒入百草霜一匙研細滴水丸菘豆大以茅香湯吞下七丸泉州一僧治金蠱毒云才覺中毒先吮白礬味甘而不澁黑豆不腥者是也但取石榴根皮煎汁飲之即吐出活無不立愈李暉之云以白礬牙茶搗而為末冷水服凡一切毒皆可治并載於此西溪叢語

嘉祐中范吏部爲福州守日揭一方於石云凡中蠱毒無
論年代遠近但煮一鴨卵插銀釵於內併吞之約一食
頃取視釵卵俱黑卽中毒也方用五倍子二兩硫黃末
一錢甘草三寸一半炮出火毒一半生丁香射香各十
文輕粉三文糯米二十粒共八味瓶內水十分煎取七
候藥面生皴皮爲熟絹濾去渣通口服病人平正仰卧
令頭高覺腹中有物冲心者三卽不得動若出以盆桶
盛之如魚鱗之類乃是惡物吐罷飲茶一盞瀉亦無妨
旋煮白粥補忌生冷油膩鮓醬十日後服解毒丸三兩
九經旬平復了木射三香嘉祐價中十文今須數倍乃
可類編

王仲禮嗜酒壯歲時瘡瘡發於鼻延於額心甚惡之服藥
不効僧法滿使服何首烏丸適坎僕識草藥乃掘得之
其法忌鐵器但入砂鉢中籍黑豆蒸熟既成香味可入
念所蒸水必能去風澄以額面初覺極熱漸加不仁至
曉大腫眉目耳鼻渾然無別王之母高氏曰凡人感風
癩非一日積吾兒遇毒何至於是吾聞生薑汁赤小豆
能解毒山豆根黑蚌粉能消腫亟命僕搗揆薑汁以三
味爲末調付之中夜腫退到曉如初蓋先採何首烏擇
而不精爲狼毒雜其中以致此類編

名醫言虎中藥箭食青泥野猪中藥箭逐薺苞而食雉被
鷹傷以地黃葉貼之又礬石可以害鼠張鷟曾試之鼠

中如醉亦不識人知取泥汁飲之須臾平復烏獸虫類
猶知解毒況於人乎被矢中者蠶醫者以甲蟲末敷之
被馬咬者燒鞭稍灰塗之取相服也

契士劉易隱居王屋山嘗於齋中見一大蜂粘於蛛網蛛
搏之為蜂所螫墜地俄頃蛛鼓腹破裂徐徐行入草嚙
芋梗微破以瘡就醫磨之良久腹漸消輕躁如故自
是人有為蜂螫者接芋梗付之愈蜘蛛螫者雄黃末傳
之

一人因剥死牛脊悶令看遍身俱紫泡使急刺泡磨良久
遂甦更以敗毒藥而愈

王彥伯荊州人為道士善醫尤別脉斷人生死壽夭百不

失一裴胃尚書子忽暴中病王脉之良久曰中無腮鯉
魚毒也投藥數味而愈裴異之詰其子因食膾而得乃
膾鯉無腮者令左右食其候悉同

崔魏公暴亡醫梁新診之曰中食毒其僕曰嘗好食竹雞
梁曰竹雞多食半夏苗蓋其毒也命掩生薑汁折齒灌
之遂復活

漸人王夫人忽日面上生黑斑數點日夕滿面俱黑遍求
醫士不効一醫云夫人中食毒兩治之一月平復後覺
其方止用生薑一味搗汁將渣焙乾都用薑汁煮糊為
丸問其故云夫人日食斑鳩蓋此物嘗食半夏苗是以
中毒故用生薑以解之

姑蘇一人游商在外其妻畜雞數隻以俟其歸凡數年而返一日殺而食之殆盡抵夜其夫死鄰家疑其有外姦首之官婦人不禁考打遂自証太守姚公疑之乃以情問婦婦以食雞對太守覓老雞令囚遍食之果殺二人獄遂白蓋雞食蜈蚣久而畜毒故養生家不食此交州刺史杜燮中毒藥而死董奉以太乙散和水沃燮口中須臾乃甦燮自謂初死時有一車直入一廡內燮於土窰中以上塞之頃間聞太乙使至追杜遂開土穴燮得出

中書舍人于遵中蠱毒急遇釘鉸匠云約來早勿食請遵向明張口執鈴伺之夾出小蛇二寸許赤色如釵股遽

命火焚之遂愈

趙延禧云遭惡蛇虺所螫處帖上艾炷當上灸之立差池州進士鄒閻食貧有守一日將之外邑凌晨啓戶見一小翦籠子在門外無封鎖開視之乃白金器數十事約重百兩殆曉寂無追捕者遂挈歸謂其妻曰此物無因而至豈天賜我乎語未絕覺股上有物蠕蠕動金色爛然乃一蠶也遂撥去之未回手復在舊處以足踐之雖隨足而碎復在閻胃腹上矣棄之水投之火刀傷斧碎皆卽如故余稠飲食之間無所不在閻甚惡之友人有識者曰吾子爲人所賣矣此所謂金蠶者是也始自閻廣近至吾鄉物雖小而爲禍甚大能入人腹中殘齧腸

胃復完然而出閤愈懼乃以窮籠事告之其友曰吾固知之矣子能事之即得所欲日致他財以報耳閤笑曰吾豈爲此也友曰固知子不爲也然則奈何閤曰復以此蟲并物置籠中棄之則無患矣友曰凡人畜此久而致富即以數倍之息并原物以送之謂之嫁金蠶乃去直以此元物送之必不可遣今子貧苦豈有數倍之物乎實爲子憂之閤乃嘆曰吾平生清白自製不幸有此輒取其虫吞之竟無恙以壽終豈以至誠之感妖孽不能爲害乎慎府燕間錄

政和間祐陵以仁經惠天下詔取海內凡藥之治病彰彰有聲者悉索其方書上之於是成都守臣監司奉命得

售解毒丸驗其方則王氏博濟方中保靈丹常救兩人

食葫蔓草毒得不死鐵圍山叢談

金蠶毒始蜀中近及湖廣閩粵浸多有人或舍去則謂之嫁金蠶率以黃金釵器錦段置道左俾他人得焉鬱林守爲吾言嘗見福清縣有訟遭金蠶毒者縣官治求不得蹤或獻謀取兩刺蝟入捕必獲矣蓋金蠶畏蝟蝟入其家金蠶則不敢動雖匿榻下墻罅果爲兩蝟擒出之亦可駭也鐵圍山叢談

虞恒德治一婦人因採桑見桑有金蟲如蠶者被其毒謂之金蠶毒腹中疴痛欲死虞曰以樟木屑濃煎湯與之大吐出有金絲如亂髮者一塊腹痛減十分之七八又

與甘草湯連進二三盞而安

王舜求云菖菜出高國有毒百虫不近蛇虺過其下觸之則目瞑不見物人有中其毒者唯生薑汁解之夜藏飲食器中覆之不密鼠聞其氣欲盜不可則環器而走涎滴器中食之得黃疾通身如蠟鍼藥所不能療江少微幼時見佃僕值荒年採蕨食之誤採毛蕨子女三人同食覺麻而弱者死大父聞之曰毒麻投以薑湯飲之愈

脾風

倪仲賢治淮南周萬房子始八歲忽得昏蕩疾數日方甦
騖顛如木偶人寒暑饑飽皆不知節適率掌食土炭至
口不得出音老人視之曰此脾風也脾智慧府也而以
風其不知人事也宜投之疏風助脾之劑數服而愈
江連山自述其子始孩患慢驚風痰迷心竅乳食不進啼
聲不出遇一道流云尚可治探囊出藥一分半塗乳上
令兒吮痰在膈上者吐下者利即啼而甦其方僵蠶七
條全蝎三個硃砂一分輕粉一分俱為細末
任栢峯傳昌化胡虛臺益黃散治慢脾風泄瀉青綠色手
足瘰癧眼張直視其方人參白朮茯苓白扁豆姜汁炒蓮

肉白芷稍全蝎防風直僵蠶炒黃芪各一錢南星炮製
天麻冬瓜仁各三錢俱為細末煎冬瓜仁湯調下
江應宿治蕭氏兒五歲多汗惡風怠惰嗜卧色黃白鼻額
深黃不欲食不欲動予曰脾風也投以胃風湯加藿香
砂仁數服而愈

按保嬰集云急驚屢發屢用直瀉則脾損陰消而變
為慢脾風者當補脾養血佐以安心清肺制木之藥
最為切當薛已謂前症多因脾胃虧損肝木所勝但
用五味異功散加當歸佐以鈎藤飲子以補脾土平
肝木亦多得效如不應六君子加炮薑木香溫補
脾土更不應急加附子以回陽若用剉驚逐風驅痰

之藥反促其危也愚每小兒脾胃素弱者一病即成
慢驚不可泥為久病誤藥而後成也經云脾風言脾
虛受病也錢乙為小兒慢脾驚因病後或吐瀉或藥
餌傷損脾胃而肢體逆冷口鼻氣微手足癱瘓昏睡
露睛此脾虛生風無陽之症也溫白丸主之

疳積

陳孝廉自述云其子痘疹後患疳積病骨瘦如柴大便不固偶得市人傳一方用山查一兩白酒麴一兩取多年瓦夜壺人中白最多者將一物裝內炭火煨存性研為細末每服六分滾水送下藥未完而病愈

黃上舍瑤臺乃郎患疳肚大如箕足細如管眼生翳膜遮睛幾不可為在蘇州得異人傳授一方取雞蛋七枚輕去殼勿損衣膜以胡黃連一兩川黃連一兩童便浸春秋五日夏三日冬七日浸透煮熟令兒服之遂愈後以治數兒無不立効

一兒疳積肌肉消瘦兩目失明方士以片腦五厘硃砂三

分為細末用雄雞脊血調和無灰酒下垂死者一服可活

江應宿見丁氏兒醫治疳積腹大脚小翳膜遮睛者用大蝦蟆十數個打死置小口缸內取糞蛆不拘多少糞清浸養盛夏三日春末秋後四五日以食盡蝦蟆為度用粗麻布袋一方扎住缸口倒置活水中令吐出污穢淨再取新瓦燒紅置蛆於上烙乾令病兒食之每服一二錢後服參朮白朮散而愈若兒稍大見疑用炒熟大麥麩和少蜜作餅或丸看兒大小壯弱無不驗者

走馬牙疳

濮陽傳為上虞丞好醫方傳授小兒走馬牙疳灸頸後凹陷中七壯再以樗樹東南引根去粗黃取白皮同黑荳一升煮熟去皮食豆即愈

一 小兒患走馬牙疳用瓦礮子比蚌子差小末醬淹者連肉煨存性置冷地上用盞蓋覆候冷取出碾為末乾滲患處

一 兒用馬蹄燒灰入鹽少許滲患處

一 兒用馬蹄殼三錢先洗淨酒炙酥鷄肫皮三錢不見水拭淨陰乾真珠七分炒胡黃連一錢五分雄黃五分水飛白礪砂六分黃柏去粗皮三錢為細末滲患處

一 小兒痘後患走馬牙疳用棗灰散硃砂一分半輕粉一分射香三厘冰片五厘膽礬二分雄黃五分黃丹三分白芷五分枯礬二分兒茶一錢北棗煨存性一錢五分龍骨一分為細末先用荆芥湯洗一日搽二三次効

寬文元^辛年極月吉辰

鳥丸通下立賣下町

野田庄右衛門板行



